

يعباس القمر يا حامي الدين
ومظنك ترضى ليّ يلفي البين
او ما غيرك يعمي لينه سقاي
ومعروف بخصالك والله وفاي

(سكينه) مألّمه تنادي يعمي
عطيشه والعطش فتت فؤادي
وجبدي امن العطش لهفانه للماي
اعرفك صاحب امره يعمي

رضيع احسين منه غايره العين
عزيز اعليك والله طفل احسين
ويزيّد عالقلب هول المصيبة
وحالة امه من نوحه عصيبة

وزينب نادته يابوالفضل شوف
متنظر وجهه منه شاحب اللون
يذوبني يبو فاضل نحيبه
طفل ثغره يبس من حر لشموس

خفي ونج انفطر قلبي يسكينه

زفر بأهاته ونادهاها بحنينه

لروي جبج ياصغيرة وانا ممنون

وانا بويه المرتضى حامي الحميه

صارمي بيدي ولاهاب المنيه

لج اجيب الماي والله من هالعيون

وصاح عزمي يالعقيله تعرفونه

ودارت عيونه على اخته المصونه

لو تهل دمعة عيونج اخسف الكون

تسلم الجفين وتسلم مني هامة

طلبني من الله يردني بالسلامه

ولو طحت بدماي والله لعينج يهون

جونني يطلوبني عمي الماي
وارجع للخيم والقربة وياي

أطفالك عطاشي وانا حماي
خلني انزل الميدان يحسين

نادت الكافل يعمي بالصدر غليلي
ومن يجيب الماي غيرك انتة ياكفيلي

سكنه من جتتي يخويه انفطر دليلي
قالت الماي أني ردتة عمي يابوفاضل

يا آخر أمل باقي في دنياي
من بعدك حبيبي تشمت اعداي

ياطبعك حنون وادري وفاي
لا عني تروح وابقى مفروود

لو يسيل اعلى الثرى دمك حبيبي دمي
من بعد عينك ترى مدمع عيوني يهمي

خل عطش اطفالي خويه وانتة ابقى يمي
انت كل شي الي بقى يخويه يمي ابقى

قبل لا يوصل الطف مر في سيهات
و في كل بذرة كاتب باسمه هيهات
هواها غيرته ،، و الخوة لانفاس
وديعة فاطمة الحورة ام لإحساس

اجيت اسأل اذا ضعن الولي حسين
و اريد اسأل اذا زارع له ابذور
و اريد اسال اذا رواها عباس ؟
و اذا مسحت عليها اشرف الناس ؟

ثماره اللي بكراماته ،،، زرعها
تظنون الدما ،، تصبح نبعها !
على العز تربيتهم مستحيلة
اترى ابلا حسين ما عدنا وسيلة

لان كل ال سقط في ماتم حسين
و لو مو ماي ابو فاضل رواها
و لو ما مسحة الحورة العقيلة
وليهم صرخة بالماتم جميلة

حملنا الروح ، و ما نرهب من الموت
في وجه اللي يعادي رفعوا الصوت
و رايتنا امتلت بالغيرة يا ناس

اذا اتهدد عمرنا لحظة داعش
ابو فاضل في دمنا اويانا عايش
يعرفون اشيسوي الغالي عباس

على اجفوك ببو فاضل كبرنا
و ايثارك وسام اعلى صدرنا
و تاج اتعلى للعالي ابه الراس

ندانا يعتلي بهاي المواكب
أبد ما نخشى من كل النواصب
و ما ترهبنا كل احفاد لارجاس

و عار اعلى المحب ينسى حبيبه
نحييها ابقرنا و مو غريبة

رادوا ننسى بالموت المصيبة
ما ننسى الطفوف و مو عجيبة

الله اعطانه ابحصنها للحشر امانه
ننفي كلنا و لا انخون احنا هالامانة

هذا مبدأنا و عقيدة تجري في دمانا
غيرة الكافل أمانة واضحة ابسمانا

علمنا التفاني و معنى لإصرار
عشنا الدنيا لأجل عيونه انصار

عباس البطل علمنا لإيثار
من ضربة عموده صرنا احرار

و نلقى بين عيونه ما جفت ترى دمائه
لينا بالزهرة و ضناها المعترف رجائه

نلتقيه ابجنة الله و نرتوي وفائه
الأمانة له نردها ،، و نستمتع دعائه

منحني ظهره دمع عينينه سايل
خويه ابغربة بقيت ابليا كافل ؟
وينه بو فاضل تأخر يا دلالي
شلي عطل رجعته .. ابخدي سؤالي

شافته راجع و مويمه بو فاضل
دنت منه و ظلت بشهقه تسايل
تقله خبرني اندهش عقلي وبالي
راح ايجيب الماي و ما شفته اجالي

عظم الله الأجر لـج يا عقيلة
و خل اقول اشقال ابلمحظة رحيلة
و ابها امسح دمة الفاضت بـ خدها
عاتبها جفي الـ خانت وعدها

بو علي محير و شنهو الي يقوله
قعدي بشرح لـج عن أحواله المهولة
قال اخذ يمناي للأطفال خدها
قول الي سكينه الوفي ما مرة ردها

لعبد الله اخذ خويه يساري
من أذكر حالته تشتعل ناراي
طفل امن العطش لونه تغير

الي الحورة اخذ من عيني سهمي
و لون جفك امن سيول دمي
لكل طفلة و طفل منهم تعذر

بعد ظلت رقية و قابي محتار
صغيرة و ما أظن تتقبل أعار
حنونة و ما اظن ع الفرقة تقدر

اخذها ابضنك و امسح دمعها
و قلها بو الفضل لا ما قطعها
هدية ليها راسي الي تطشر

من شفته على حر الوطية
أنا خجلان من كل هاشمية

موقف راح اشرح لـج يخيه
اشيلة للخيم بس قال خلني

خبري كل الينطرونة ما رجع بو فاضل
يعني باجر يالمصونة تركبي الهوازل

زينب ابلمحظة هذي صرتي ابلا كافل
جسمه فوق الرمضا مرمي و روحه بالمخيم